

本草述鉤元卷八

芳草部

武進楊時泰貞願輯

當歸

陝蜀秦汶諸州多栽蒔爲貨以秦產頭尾圓色紫氣香肥潤者爲馬尾歸最勝他處尾大頭粗色白堅枯者爲鑷頭歸止

宜入發散藥二八月采根

湖瀕

川產者力剛而善攻秦產者

力柔而善補

韓悉

頭止血尾破血

凡藥根升而梢降根在上梢在下故也血下脫者其

根能引之上行而止息血凝滯者其梢能引之下行而破散

身和血若全用一破一止亦

和血也使頭是一節硬實處使尾是尖細處

凡根莖身半以上氣脈上行身

半以下氣脈下行然則治上當用頭治中用身治下用尾通治全用匪獨當歸爲然他如柴防芩桔皆是

潔古

根甘而苦辛溫潤氣厚於味可升可降陽中微陰入手少陰

足太陰厥陰經血分 按諸本草一主養血如溫中補諸不

足潤腸胃筋骨皮膚女子漏下絕子胎產備急血虛及氣血

昏亂服之卽定

男子亦然

之類一主和血如止熱痢腹痛女子瀝

血腰痛除血刺痛及齒痛又溫瘡寒熱之類一主活血行血

如諸惡瘡瘍跌仆血凝並濕痺風證攣蹇與客血內塞宿血

惡血痠癖之類證治不能槩定惟在引用合宜 當歸味苦

氣溫臭香色紫當入心爲心之使藥並入血分氣分若祇判

入血便失當歸本來面目矣蓋血無氣煦則不能運行經隧

灌溉周身此味助氣之用益血之體其宣揚帥氣能使氣血

邪氣各歸於所當歸之地故名

此段血中有氣之顯

諸血皆屬心

凡通脈者必先補心益血故仲景治手足厥寒脈細欲絕者

用當歸之苦溫以助心血

無已

此品爲治血補虛決取立效

之藥古方用療產後惡血上衝取效無急於此凡氣血昏亂

者服之卽定

陳承以上二段養血

凡血壅而不流則痛當歸之甘

溫能和血辛溫能散內寒苦溫能助心散寒使氣血各有所

歸

張元素

能逐瘀血生新血使血脈通暢與氣並行周流而

不息

虞搏以上二段和血行血

全用同人參黃耆則補氣而生血同

牽牛大黃則行氣而破血從桂附茱萸則熱從大黃芒硝則

寒

好古合下三段隨引用以歸血

血虛以人參石脂爲佐血熱以生地

條芩爲佐不絕生化之源

韓

其氣疎暢無定隨所引藥而

爲用合川芎細辛之類治血虛頭痛眼痛齒痛合諸血藥入
薏仁牛膝下行治血不榮筋腰痛足痿合人參川烏烏藥薏
仁能榮表治一身筋寒濕毒合芍朮地黃能養血滋陰而補
腎合芍藥木香能和肝而止痛治痢合鼈甲柴胡定寒熱而
除溫瘧合遠志棗仁則養心定悸

門

同酒製黃連可治心

血虛熱

入四物湯主婦人血分百病加炒乾薑炒黑豆澤

蘭牛膝益母草蒲黃治產後百病

同川芎人參治難產及

倒生

同紅花牛膝益母草蒲黃治產後血上薄心 同地

黃芍藥白膠續斷杜仲治血閉無子

同桂枝朮菊花牛膝

主痺

同牛膝鼈甲橘皮生薑治瘧在陰分久不止 同棗

仁遠志人參茯神治心血虛不得眠 同黃耆二地芩連黃

檗治盜汗 同荆芥白芷川芎地黃治破傷風 同牛膝杜

仲續斷地黃鹿角屑桂治一切折傷踉蹌跌挫閃作疼 同地

榆銀花滑石紅麴治滯下純血裏急後重 凡傷胎去血及

產後崩中金瘡拔牙一切去血過多心煩眩暈悶絕不省人

事當歸 二兩 川芎 一兩 每用五錢水七分酒三分煎七分熱

服日再 內虛目暗補氣養血用當歸生曬 六兩 附子火炮

一兩 爲末煉蜜丸梧子大每服三十丸溫酒下名六一丸

大便不通當歸白芷等分爲末每服二錢米湯下 室女經

閉歸尾沒藥各一錢爲末紅花浸酒面北飲之一日一服

墮胎下血不止當歸焙

一兩

葱白

一握

每服五錢酒一盞半

煎八分溫服

產難胎死或橫生倒生用當歸

三兩

川芎

一

兩

爲末先以大黑豆炒焦入流水一盞童便一盞煎至一半

分爲二服未效再服

產後中風不省人事口吐涎沫手足

癱瘓當歸荆芥穗等分爲末每服三錢水一盞酒童便各少許煎七分灌之下咽卽有生意

論

當歸味始甘次苦次辛又復有甘辛味烈而甘則有始

終相成者夫甘爲土味乃氣血生化之地甘歸於苦苦火屬心歸於血之所主也苦而有辛金味屬肺因肺貫心脈以行呼吸爲血之所始也夫血原於水而成於火本腎脈之至肺

由肺而乃入心是金合於火以孕水也火因金而和於水則
氣化金孕水而親於火則血生此辛繼於苦而味爲最烈也
至其始便得甘者卽所謂人受氣於穀穀入於胃以傳於肺
者是終仍有甘者卽所謂中焦並胃中出上焦之後此所受
氣者蒸津液化精微上注於肺脈乃化而爲血者是合而繹
之肺合於心而氣化爲血脈之所由始肺合於脾而血化爲
經脈之所由通海藏判爲血中氣藥者以血所不足處卽有
血之生氣以裕之潤之血所乖阻處又有血之化氣以和之

行之耳

如酒蒸治頭疼等證是宜於上也酒煎治小便出血等證是宜於下也酒調末和心腹刺痛是宜於中也

又如治在腸胃則主熱痢刮疼治在經絡則主中風攣蹇治在筋骨則主疼痛治在皮膚則療風癰惟所主而使之咸有

所歸焉

人身氣原於腎而血乃原於心是陽中生陰也惟秦

歸稟金氣獨厚全得陽中生陰之化原爲血中氣藥合於熟地則能補髓四物湯有因時加法曰倍當歸以迎春氣倍川芎以迎夏氣倍芍藥以迎秋倍地黃以迎冬用當歸以生一陽用芍藥以生一陰是當歸之甘苦辛而溫可喻春生和氣豈非血中履端之始乎要知血原於水而成於火火爲心氣固陰陽合和而化之真氣非偏於陽者也偏於陽則有血虛而陽熾之病血亦不得所歸矣識此然後可以盡當歸之長

繆氏云辛溫行走性潤滑腸又其氣不宜於胃故胃薄溘瀉

者並忌血熱者不宜卽產後胎前亦須慎用
修治 擇肥潤不枯燥者用上行酒浸一宿治表酒洗片時
血病酒蒸有痰薑製若入吐衄崩下藥中須醋炒過少少用
之多則反能動血

芎藭

種蒔者根形塊大實而多脂山生者細瘦辛苦 蜀產名川

芎形塊堅重圓實色黃不油如雀腦嚼之甘辛

其味甘辛
於用方合者

上也治血虛胎產病俱優焦枯者不用 西芎產關中色微

青專療偏頭痛如產後血虛與氣虛者俱不可服其實大堅

重內外俱白剉之成片者亦西芎也不入藥 台芎產浙江

台州止以散風驅濕

撫芎產江西撫州小而中虛惟開鬱

散氣寬胸走經絡之痛皆非血虛所宜用

根味辛苦性溫氣厚味薄浮而升陽也少陽本經引經藥入

手足厥陰氣分

生溫熟寒

李當之

白芷爲之使畏黃連

主中風入腦頭痛血虛頭痛面上遊風脇風痛療諸寒冷氣

心腹堅痛寒痺筋攣緩急破癥結宿血養新血搜肝氣補肝

血潤肝燥補風虛開鬱氣行滯氣燥濕止瀉痢蜜丸治風痰

並一切癰疽諸瘡腫痛長肉排膿更治婦人血氣諸病

諸本草

方書治目疾及耳鼻唇齒喉舌髭髮中風眩暈中寒傷濕

傷勞倦鬱往來寒熱瘧破傷風癰癰振顛癰瘕頸項強痛虛

勞自汗盜汗虛煩循衣撮空譫妄驚悸健忘不得臥不能食
喘厥咳嗽嘔吐痞鼻衄耳衄吐血畜血洩血下血諸見血證
心痛胃脘痛腰痛脚氣鶴膝風着痺痛痺行痺消痺黃疸痰
飲水腫脹滿泄瀉滯下脫肛大便不通淋疝 上行頭目下

行血海助清陽之氣去濕氣在頭故治諸經頭痛

潔古

頭痛

必用川芎如不愈加各引經藥太陽羌活陽明白芷少陽柴

胡太陰蒼朮厥陰吳萸少陰細辛

東垣

又頭痛甚者加蔓荊

子頂與腦痛用川芎頭頂痛加藁本若有熱者不能治別有

清空之劑

此二條專治風寒頭痛

芎藭血中氣藥扁鵲言酸以其入

肝也

仲淳

肝苦急以辛補之故血虛者宜之以辛散之故氣

鬱者宜之

湖瀕

味辛氣溫但能升散而不能下守血貴寧靜

不貴燥動四物用川芎以暢血中之氣使血自生非謂其能養血也卽癰疽及諸瘡腫痛藥中多用之者以其入心而能

散火邪耳

丹溪

又鬱在中焦須撫芎開提其氣以升之氣升

則鬱自降故撫芎總解諸鬱直達三焦爲通陰陽氣血之使

治濕瀉藥中每加麥麴芎藭其應如響

卽左傳治河魚腹疾意

血痢

已通而痛不止者乃陰虧氣鬱加芎爲佐氣行血調其病立

止合四物加荆芥白芷白朮甘草治破傷風冬月加桂枝

同當歸地黃芍藥乾漆延胡五靈脂京三稜牡蠣粉治血

瘕同白芷茜根黃蓍銀花生地能排膿消瘀血同甘菊

當歸地黃天冬白芍炙草專主血虛頭痛火盛者加童便服

同歸尾桂心牛膝治子死腹中 同續斷熟地白膠杜仲

山萸五味人參黃耆棗仁治血崩久不止 風熱頭痛川芎

一錢茶葉二錢水一鍾煎五分食前熱服 風熱上衝頭目

眩暈或胸中不利川芎槐子各一兩爲末每服三錢用茶清

調下胸中不利以水煎服 首風旋暈及偏正頭疼多汗惡

風胸膈痰飲川芎一斤天麻四兩爲末煉蜜丸如彈子大每

嚼一丸茶清下 崩中下血晝夜不止千金用川芎一兩清

酒一大盞煎取五分徐徐進之聖惠加生地汁二合

論 芎藭三月生苗稟春氣已深故溫至八月始於根下結

芎藭而以九十月采之後時則虛惡是又得金氣之全者故其味由甘而辛辛勝甘劣也夫氣稟於溫以生而味結於根下者又辛甘之陽所以氣厚升浮合於人身天氣之肺而至於極上故茲物能暢真氣亦卽過用能散真氣也徧閱方書主治大抵能達陽於陰中卽能貫陰於陽中始終在血分暢其氣者故海藏專以益肝爲言而曰搜肝風補腎血潤肝燥却又言補風虛者以血臟原屬風臟惟能達陰中之陽則風化斯行而諸寒冷氣自散也明於陰中之陽不化可以悟諸血證之治悉本風虛明於風虛之義又可以悟肝風并肝血虛肝氣燥之故矣抑何以並入手厥陰氣分蓋肝之上行而

媾於肺肺卽媾於肝而下行其下行者乃合於足厥陰同氣之心包絡以生血焉總以全肝之用而已人身清陽能升濁陰能降此氣化血生之原也芎藭上至巔頂下至血海不惟握升降清濁之樞以爲化原實能由風臟血臟之化機以爲生育故治血虛頭痛爲聖藥至於調衆脈破癥結宿血養新血以及吐衄溺血皆可推風虛之義以治之惟風淫者不任受耳總之陽陷陰中及陽不能暢陰之證此味乃所宜投如下之陰虛不守而陽僭於上及上之陽盛而陰不能爲之主者妄投適以滋害寧止於久服乃散真氣哉

用芎藭止欲其暢陰不可用之

虛陰暢陰虛陰之異粗工多不致察

芎藭之治在目爲最卽頭痛猶次之以

肝開竅於目而人身六氣之首惟風司之肝固風臟又卽血

臟也本此風升之元氣以達陰中之陽而上行

此經所謂通天者生之本

也卽俾陽中之陰皆暢而血和於氣以化是所謂目得血而

能視者也

玩此則於補風虛之義更暢

更取消痺之腎瀝散以治腎氣虛

損者用磁石爲君却以芎藭及麥冬爲臣其他益陰氣滋陰血之味止爲佐可知元氣爲陰中之陽而芎藭之與麥冬爲臣者固就陰中透陽之義也是則在下行者必裕陰而乃透其陽以上在上行者就暢陽而還化其陰以下不可識茲味之於血中氣并氣中血胥有妙用乎哉

凡病上盛下虛火炎咳嘔咽乾口燥發熱渴煩及自汗易汗